

清

史

稿

清史稿

列傳一百零一

策楞

子海國圖
傳國圖

王保

達爾黨阿

子海國圖
傳國圖

哈達哈

子海國圖

覺羅雅爾哈善

永常

薩賴爾

策楞，鉏祜祿氏，滿洲鑲黃旗人。尹德長子。乾隆初爲御前侍衛。二年秋，永定河決，上出帑命策楞如蘆溝橋賑災民，累遷廣州將軍。授兩廣總督，廣東巡撫。託庸劾布政使唐綏祖贓私下，策楞勘識。策楞雪綏祖枉，上嘉其秉公尋加太子少傅，移兩江總督。其弟訥親承父爵，進爲一等公。以征金川失律，坐謫十三年。十月，命策楞襲爵，仍爲二等公。復移川陝總督，旋以川陝轄地廣，析置二督。策楞專領四川時，大學士傅恒代訥親爲經略，命策楞參贊軍務。傅恒受金川降班師行賞，策楞加太子太保。西藏郡王珠爾默特那木札勒狡暴謀爲亂，上命策楞戒備。十五年冬，駐藏大臣傅清拉布敦誅珠爾默特那木札勒，爲其黨。

所戕西藏亂上命策楞及提督岳鍾琪督師戡難時西藏公班第達獲逆渠卓
呢羅卜藏扎布戢兵待命策楞以聞請率八百人以往留軍駐打箭爐待徵發
策楞至西藏與鍾琪及侍郎兆惠駐藏大臣納穆扎爾班第等審定規制爲西
藏善後章程語詳西藏傳雜谷土司蒼旺浸凌磨卓克基二土司爲亂策楞與
鍾琪發兵討之上以川兵弱當瞻對金川用兵後元氣未復誠慎重師戰勝獲
蒼旺收其地內屬策楞丁母憂解官還京師江南淮揚水灾命偕尙書劉統勳
往勘因疏河工積習總督高斌以下皆坐黜卽令策楞署南河總督河決銅山
張家馬路上以河工非所習改授兩廣總督時準噶爾酋達瓦齊庸懦所部內
訐上銳意用兵十九年二月召策楞命出視師授定邊左副將軍阿睦爾撒納
之降也尙書舒赫德在軍察其狃詐慮且復叛策楞與共議以所攜部族置戈
壁南而留阿睦爾撒納及諸頭人丁壯勝兵者從軍上聞阿睦爾撒納降將倚
行省駐防披甲上遂用阿睦爾撒納爲定邊左副將軍導我師討達瓦齊二十

年五月師定伊犁上降詔猶責策楞舒赫德恆怯乖張幾負事旋以師有功予
策楞副都統銜令率偏師戍巴里坤九月阿睦爾撒納叛去上以永常爲定西
將軍命策楞參贊大臣上行走既聞當阿睦爾撒納叛時永常引師自穆壘左
次巴里坤罷永常將軍以命策楞旋詔逮永常授扎拉豐阿爲將軍策楞疏言
待軍士器械隨將軍進兵詔併逮策楞謂憲其懦也尋以罪在永常貸策楞令
屬扎拉豐阿督餉會準噶爾宰桑克什木等陷伊犁定北將軍班第等死事策
楞馳疏聞請合兵進討上復授策楞副都統銜參贊大臣扎拉豐阿未至攝將
軍策楞與喀爾喀諸部貝勒合兵擊敗準噶爾部落授內大臣眞除定西將軍
上督諸將逐捕阿睦爾撒納甚急二十一年二月策楞聞台吉諾爾布等已得
阿睦爾撒納謄章奏捷上告於陵廟進策楞一等公賜雙眼孔雀翎寶石帽頂
四團龍補服三月策楞復疏言前奏非實上命停封賞賚促進兵逐捕是月復
克伊犁阿睦爾撒納走哈薩克四月命大學士傅恒視師逮策楞及參贊大臣
玉保旋得策楞奏方督兵壓哈薩克境令擒阿睦爾撒納以獻上乃令傅恒還

京師時達爾黨阿出西路哈達哈出北路與策楞合軍以進師久次不得阿陸爾撒納蹤跡九月達爾黨阿哈達哈引兵還屯哈薩拉克十一月復命逮策楞玉保檻送京師途遇準噶爾兵爲所戕子特通額初發黑龍江披甲二十三年以侍衛從將軍兆惠討霍集占戰黑水與總兵高天喜等同戰死圖形紫光閣列後五十功臣特請額初發杭州披甲自上虞備用處拜唐阿十一遷至嘉慶間授成都將軍嘗兩攝四川總督會有爲蜀都賦計長吏者給事中胡大成以聞仁宗命工部尙書託津光祿寺少卿盧蔭溥詣勘特清額坐徇隸降三級留任未幾卒特成額初發西安披甲自黏竿處拜唐阿再遷三等侍衛帥討大金川曾索諾木高宗命特成額從征轉戰兩年自資理北山下克美美卡諸地攻桀噶爾博最高峯奪康薩爾山牛石碉破密拉噶拉木山果木城特成額皆有功授貴州威寧鎮總兵乾隆四十二年上以勤舊世家有世爲領侍衛內大臣因以豐昇額遺缺授特成額三遷授禮部尙書爲成都將軍三攝總督尋除湖廣總督五十年歲旱湖北江蘇浙江皆饑特成額疏請發湖南倉穀賑湖北有

餘平值以糴使商自四川販米至者見湖北穀值低得輸以濟江浙上獎其不分畛域得大臣體尋移雲貴總督以李侍堯代督湖廣侍堯疏發上年旱饑孝感民無食掠富家儲穀諸生梅調元者糾衆與抗生楚二十三人上震怒逮特成額籍其家族予副都統銜充烏什辦事大臣又坐在湖廣失察屬吏侵帑案積屢被譴責及荊州隄決復逮下獄論絞久之赦授頭等侍衛烏魯木齊辦事大臣嘉慶初自科布多參贊大臣授兵部侍郎未上卒

玉保烏朗罕濟勒門氏蒙古鑲白旗人自理藩院筆帖式三遷郎中乾隆三年擢侍郎八年率準噶爾使者入藏熬茶賜孔雀翎十二年復率準噶爾使者入藏熬茶疏言前次入藏自巴延喀喇納木齊圖穆倫至穆魯烏蘇渡口道甚險時方秋冬間少雪行旅尚便今冬令大雪擬改道踰哈什哈嶺左巴延喀喇巴山後自布魯爾仍至穆魯烏渡口報可十六年遷正黃旗蒙古都統十七年達瓦齊爲亂命偕尚書舒赫德赴北路防邊十八年杜爾伯特台吉策凌等來降命馳赴犒勞上以玉保習準噶爾事命以參贊大臣佐軍事十九年輝特台吉

阿睦爾撒納來降復命馳赴犒勞卒以入覲二十年阿睦爾撒納叛命仍以侍郎參贊大臣出北路師次哈齊克遣兵至鄂什默納河收阿睦爾撒納所屬三百餘戶搜山獲阿睦爾撒納黨得木齊班咱等進次安集雅哈殲阿巴噶齊所屬三百餘戶圍班雞游牧尋從逆喇嘛達什藏布並收其妻子掘內大臣二十一年策楞疏報已獲阿睦爾撒納行賞玉封保三等男世襲玉保獲從賊達永阿言阿睦爾撒納相距僅一日玉保執送策楞又得從賊烏遜言阿睦爾撒納方出痘所部尙有厄魯特兵八千哈薩克兵三千亦執送策楞上責玉保退縮玉保帥復進遣諸將烏爾登等追至庫隴突嶺得從賊額林沁言阿睦爾撒納已踰嶺入哈薩克境引還次固勒扎上怒策楞玉保不得阿睦爾撒納策楞又疏言玉保馳檄謂阿睦爾撒納卽日就禽無煩大軍深入因是勒兵未進遂命併逮詣京師旋命姑寬之玉保疏辨未嘗馳檄阻策楞進兵上謂玉保卽未阻策楞進兵阿睦爾撒納脫於誰手因斤其畏憚欺飾削男爵奪參贊大臣改授領隊大臣玉保疏言阿睦爾撒納僅餘從賊二三人投哈薩克汗阿布寶正督

兵往索上以玉保明知叛賊子身無助始直前追逐斥其取巧命尙書阿里袞詣軍逮策楞並諫玉保已卒兵向哈薩克免其罪未行則併逮尋達爾黨阿疏報玉保師已臨哈薩克命授頭等侍衛旋以師久次不得阿睦爾撤納命仍逮治與策楞同送京師道死

達爾黨阿鈕祜祿氏滿洲鑲黃旗人理藩院尙書阿靈阿次子初襲曾祖額亦都一等子爵累官吏部尙書訥親得罪請從軍師還加太子少保十九年出爲黑龍江將軍策楞得罪命襲封二等公是年十二月上用阿睦爾撤納討達瓦齊以班第爲定北將軍授達爾黨阿參贊大臣二十年正月命將索倫巴爾呼兵詣軍五月定伊犁師還命協辦大學士及阿睦爾撤叛授定邊左副將軍偕贊大臣哈達哈出北路率師逐捕十月改授右副將軍出西路而以哈達哈當北路十二月復以將印授扎拉豐阿達爾黨阿仍爲參贊大臣二十一年正月又以鄂勒哲依薩賴爾同掌將印達爾黨阿帥師至珠勒都斯迎薩賴爾及策楞報獲阿睦爾撤納達爾黨阿亦賜雙眼孔雀翎尋自特訥格爾赴安集海分

兵略唐古特游牧旋以阿睦爾撒納竄入哈薩克上命西路專任達爾黨阿北路專任哈達哈督兵壓哈薩克境使擒阿睦爾撒納以獻五月復授右副將軍時策楞駐登努勒台令達爾黨阿還師達爾黨阿不從上卽解策楞定西將軍以命達爾黨阿八月師次雅布拉哈薩克汗阿賚遣頭人和集博爾根率四千騎分二隊從阿睦爾撒納走魯臘而自率千餘騎西行會於毫阿臘克山下達爾黨阿師至遇和集博爾根前隊自山谷中誘使出突其中堅斬五百七十餘級獲頭人楚魯克逐敵至努喇遇和集博爾根後隊復戰敗陳得其黨斬三百四十餘級阿睦爾撒納部宰桑言阿睦爾撒納易藍蠻以戰戰敗易服遁哈達哈亦擊破阿布賚軍獲頭人昭華什兩軍合遣楚魯克昭華什還諭其渠時阿睦爾撒納走不過一二里許遇楚魯克等使還報僞爲哈薩克頭人語待其汗阿布賚至且執阿睦爾撒納以獻達爾黨阿信之按兵以待阿睦爾撒納從容捆載去上聞不得阿睦爾撒納命繳雙眼翎召還京師罷協辦大學士二十二年二月奪爵左授正白旗滿洲副都統八月軍中俘阿睦爾撒納從子達什策

楞檻致京師上始聞達爾黨阿哈達哈綏追逸賊狀俱奪官發熱河披甲二十三年授三等侍衛率西安駐防兵赴軍師有功進二等侍衛卒

哈達哈瓜爾佳氏滿洲鑲藍旗人黑龍江將軍傅爾丹子傳爾丹初襲曾祖費英東二等信勇公乾隆元年退論失律罪黜以哈達哈襲是時哈達哈已自侍衛累遷領侍衛內大臣兼勳舊佐領既襲爵復遷鑲紅旗滿洲都統工部尚書加太子少保署兵部尚書步軍統領十九年師討達瓦齊授參贊大臣佐定北將軍班第出北路尋改領隊大臣二十年達瓦齊就俘再出師討阿睦爾撒納復授參贊大臣佐定邊左副將軍達爾黨阿出北路哈達哈請將索倫喀爾喀兵爲前鋒上獎其奮勉尋命代達爾黨阿爲定邊左副將軍當北路移軍布延圖南自伊克斯淖爾北至烏哈爾哈及烏里雅蘇台割卜堪諸形勝地皆分兵列戍二十一年命自阿爾泰進兵詔以北路專任哈達哈特楞古特宰桑敦多克圖爾班和卓等與我師遇僞請降哈達哈察其詐斬敦多克繫圖爾班和卓等殪其衆上嘉其勇再授領侍衛內大臣賜雙眼孔雀翎帥至嵩哈薩拉克山

遇哈薩克汗阿布賚擁衆自巴顏山西行與戰敗之復遣諸將瑚爾起鄂博什奇徹布等追擊斬百餘級獲馬二百哈達哈不知阿布賚在軍未窮追而達爾黨阿與阿睦爾撒納遇戰既勝縱使脫去兩軍合引還奪雙眼孔雀翎命以參贊大臣屯科布多尋論失阿布賚罪奪爵罷領侍衛內大臣左授兵部侍郎旋就進尚書徙屯烏里雅蘇台二十二年八月詔罪狀達爾黨阿哈達哈謂二臣皆勳舊子孫襲爵專閭而因循觀望坐失軍機若此盡奪其官發熱河披甲二十三年與達爾黨同授三等侍衛從軍同進二等侍衛子哈寧阿自藍翎侍衛累遷寧夏副都統哈達哈爲定邊左副將軍哈寧阿爲領隊大臣尋命以參贊大臣佐定西將軍達爾黨阿出西路旋令詣伊犁佐定邊右副將軍兆惠兆惠困濟爾哈朗力戰突厥出哈寧阿與焉子三等輕車都尉世職又從兆惠擊巴雅爾功最賜玉韁荷包鼻煙壺哈達哈奪爵以哈寧阿襲擢鑲黃旗漢軍都統二十三年復授參贊大臣佐靖逆將軍雅爾哈善討霍集占圍庫車霍集占脫去與雅爾哈善同遠送京師二十四年正月雅爾哈善棄市上以哈寧阿爲參

贊責海於將軍又念濟爾哈朗力戰有勞命繫獄待秋決十一月富德帥至巴達克山遣使令縛送霍集占上以達爾黨阿哈達哈皆在軍不自禁請行詔詰責因言哈寧阿秋讞本當決哈達哈稍有事效尙當寬宥今豈可曲貸重念費英東勤勞不忍刑諸市命賜自盡且令驅諭哈達哈哈達哈已先以十月卒於軍

永常董鄂氏滿洲正白旗人自三等侍衛累遷鑲紅旗滿洲都統乾隆五年命如安西按事卽授安西提督屯哈密賜孔雀翎紅絨結頂冠十五年授湖廣總督羅田民馬潮柱爲亂討平之十八年上將征準噶爾命爲欽差大臣駐安西旋移陝甘總督加太子少保頭特台吉阿睦爾撒納來降言達瓦齊昏暴上決策用兵召永常詣京師諭行軍機宜遂以內大臣授定西將軍時上倚阿睦爾撒納及來降宰桑薩賴爾取達瓦齊以阿睦爾撒納副定北將軍班第出北路以薩賴爾副永常出西路仍諭阿睦爾撒納薩賴爾爲軍鋒敕永常督軍鋒先發永常令諸道軍兼程並進上責其誤永常帥次巴里坤命還福州永常還督

餉有所計畫上皆不謂然師定伊犁俘達瓦齊詔責永常但知師行糧隨沾沾議接濟今功已成何慮糧不足因糧於敵從來勝算如永常奏艦轉挽運動逾數十日庸有濟乎因左授吏部侍郎阿睦爾撒納叛犯伊犁永常師左次上責其怯懦罷內大臣定西將軍以副都統銜爲參贊厄魯特諸台吉有不從阿睦爾撒納叛者宰桑扎木參等率數千人詣永常請附屯永常疑其詐挾宰桑爲質兼程郤走恐賊歸其後徵策楞赴援並檄阿敏道引還同駐巴里坤上命奪官逮京師行至臨潼道卒仍籍其家戍其子拉林

覺羅雅爾哈善字蔚文滿洲正紅旗人雍正三年繙譯舉人自內閣中書四遷乾隆三年授通政使御史邱玖華疏論九卿議事不公示別疏請錄用賢良祠大臣子孫雅爾哈善劾玖華爲原任侍郎勦宗萬門生宗萬祖杜訥爲賢良祠大臣子孫玖華劾九卿議事不公示剛正實爲起宗萬地上謂錄用賢良祠大臣子孫不過虛銜微秩視其材可用然後用之豈有嘗爲侍郎獲罪因賢良祠大臣子孫而輒起者勦宗萬雖愚計不出此玖華所論九卿議事不公切中時弊諸臣

見之宜深自儆省若遷怒建言者是爲不知恥命解雅爾哈善任令莊親王允
祿平郡王福彭會大學士以下嚴鞫雅爾哈善言語得之右通政陳履平因請
皆奪官上責王大臣議不當命奪雅爾哈善官履平下吏議四年特起四川龍
安知府五年以憂去六年授江南松江知府移蘇州知府九年遷福建汀漳道
雅爾哈善在松江蘇州皆有聲績其去民思之十三年以福建按察使署江蘇
巡撫上元民燬制錢雅爾哈善論如律復以數少乞原上責其寬縱命奪職留
任十五年雅爾哈善議經徵未完不及一分知縣許惟枚等皆劾罷總督黃廷
桂劾不當下吏議當奪官仍命留任尋入爲戶部侍郎十六年復出爲浙江巡
撫十九年復入爲戶部侍郎命軍機處行走旋授兵部侍郎二十年師討阿睦
爾撒納授參贊大臣出北路二十一年命改赴西路令駐巴里坤辦事疏請徙
布庫努特降人於烏蘭烏蘇與前降噶勒雜特人同牧未幾綽羅斯汗噶勒藏
多爾濟叛噶勒雜特人哈薩克錫喇等與爲響應回部降人莽噶里克亦從之
雅爾哈善擒其黨並其子白和卓十二月上獎雅爾哈善質心治軍事加內大

臣銜和碩特降西沙克都爾曼吉不與阿睦爾撒納之亂率所部徙巴里坤附城爲牧地以居噶勒藏多爾濟巴雅爾之叛上寄諭雅爾哈善令密察沙克都爾曼吉蹤跡雅爾哈善方內疑又以餓不時至沙克都爾曼吉請糧不能給乃使裨將閻相師將五百人入其壘若迷途借宿者夜大雪相師吹笳督兵襲其處沙克都爾曼吉驚起其妻與相抱持至死不釋其衆四千餘人殲焉雅爾哈善疏報沙克都爾曼吉與綽羅斯叛黨扎那噶爾布相通戮以杜後患又遣兵赴魯克察克剿莽噶里克上嘉其奮往二十二年春定邊右副將軍兆惠自伊犁率師逐捕噶勒藏多爾濟等雅爾哈善遣侍衛圖倫楚將八百人益兆惠軍提督傅魁師至鹽池遇莽噶里克卒三十二人入塞探白和卓消息傅魁執而殺之雅爾哈善疏聞上以莽噶里克爲叛首當讞定行誅命逮傅魁送京師兆惠師自濟爾哈朗至特納勒爾爲敵圍得圖倫楚援乃解尋召雅爾哈善還京師戶部侍郎四月復授參贊大臣令駐濟爾哈朗九月擢兵部尙書十二月令移駐魯克察克總理屯田二十三年二月命爲靖逆將軍帥師討霍集占五月

師至庫車霍集占所屬頭人阿卜都克勒木城守雅爾哈善督師合圍斷其水草城賊出戰屢敗之六月敗援賊於托木羅克霍集占自將八千人具最精巴拉烏槍行阿克蘇戈壁來援雅爾哈善督兵戰庫車南斬千餘級霍集占負傷入庫車獲其轡庫車依岡爲城以柳枝沙土密築甚堅敵攻不能入提督馬得勝策穴地入城距城北一里爲隧已及城雅爾哈善督之急我兵夜秉燧入穴城賊見火光於城內爲橫溝水入隧我兵皆沒頭人鄂對告雅爾哈善曰庫車食且盡霍集占必出走城西鄂根河水淺可涉北山通戈壁走阿克蘇宜分兵屯此二隘霍集占可擒也雅爾哈善以鄂對新降不可信越八日霍集占乘夜引四百騎啓西門涉鄂根河遁又數日阿都卜克勒木復夜遁餘頭人阿拉難爾等率老弱出城降雅爾哈善雜訊城人謂沙呢雅斯等五人爲阿都卜克勒木死黨因殺之疏入上聞不得霍集占盛怒奪雅爾哈善官雅爾哈善劾副都統順德訥疎縱又劾馬得勝失機上曰雅爾哈善始劾順德訥繼劾馬得勝無一語引罪不思身任元戎指麾諸將者誰之責歟此而不置之法國憲安在命

兆惠至軍斬順德訥以徇逮雅爾哈善及得勝送京師二十四年正月逮至命王公大臣會鞠以雅爾哈善老師糜餉失機事論斬遂見法後二日並斬得勝自雅爾哈善死高宗知沙克都爾曼吉無叛狀賦詩斥其殺降

富德瓜爾佳氏滿洲正黃旗人駐防吉林乾隆初自護軍擢至三等侍衛十三年從經略大學士傅恒征金川擒賊黨阿扣邊二等侍衛師還累遷副都統二十年師征準噶爾命送綿羅斯台吉噶勒藏多爾濟等赴軍擢參贊大臣督西路臺站阿睦爾撒納所屬唐古忒部見阿睦爾撒納入伊犁謀遁去二十一年富德帥師至鄂塔穆和爾遇唐古忒衆千餘營樹林蒲葦中擊殺二十餘人追至色白口山內賊據險分隊抵禦奪寨六斬獲無算唐古忒部遁伊犁追至察罕鄂博復遇哈薩克兵千人與唐古忒隊合富德奮勇衝擊斬百餘級奪回被掠集賽噶雜特三十餘戶擒台吉恩克巴雅爾等四十餘人上獎富德奮勉授臣定邊右副將軍兆惠疏報與成袞扎布分道進兵命富德從兆惠軍阿睦爾正黃旗蒙古都統二十二年定邊將軍成袞扎布赴巴里坤以富德爲參贊大

撒納還掠扎那噶爾布游牧富德追剿收復巴爾達穆特各鄂拓克得叛酋巴雅爾蹤跡遂深入逐捕奪隘五至愛登蘇哈薩克汗阿布賚遣使降阿睦爾撒納逃入俄羅斯尋死叛酋哈薩克錫喇布庫察罕未獲命富德逐捕二十三年招右部哈薩克圖里拜及塔什罕回人圖爾占俱來降遣使入覲上以富德在軍久招撫西哈薩克有勞予雲騎尉世職是時雅爾哈善討霍集占無功兆惠代將師銳進被圍命富德爲定邊右副將軍赴援二十四年正月軍次呼爾瑞遇賊騎五千轉戰五日四夜會參贊大臣阿里袞送馬至分翼馳突賊衆大潰殺巴爾圖十五人大伯克數十人賊千餘酋布拉呢敦中鏘傷創昇入城旋遁喀什噶爾兆惠解圍出以功封三等伯師進次葉爾羌河岸復戰敗賊進封一等成勇伯霍集占黨侵和闐富德赴援破賊進攻葉爾羌霍集占兄弟棄城遁追敗之于阿勒楚爾又敗之於伊西洱庫爾淖爾竄巴達克山軍從之令擒獻巴達克山汗素勒坦沙獻霍集占首帥還進封一等靖遠成勇侯賜雙眼孔雀翎官其子侍衛授領侍衛大臣二十五年復授御前大臣圖形紫光閣賜紫禁

城騎馬命軍機處行走尋授理藩院尙書正黃旗蒙古都統副都統老格監官駝事發鞫實言寄馬富德牧廠有牲畜數千上以富德舉貴安得有牧廠命都統巴爾品勘驗旋奏富德家產擁資至三萬餘命和親王等會鞫得富德出兵時留官馬索蒙古王公牲畜並摺緞布煙茶牟利狀下獄吏議當斬上命改監候二十八年教授散秩大臣三十三年將軍明瑞征緬甸死綏參贊大臣額勒登額坐逗遛得罪額勒登額亦吉林駐防與富德有連富德坐誤舉罷散秩大臣下獄吏議當斬上命入緩決三十六年教授三等侍衛三十八年將軍溫福征金川軍潰木果木發健銳火器兩營兵益阿桂軍授富德頭等侍衛爲領隊大臣從副將軍明亮出南路富德自貢登梅列舊卡進兵克得布甲喇嘛寺得里兩面山梁日寨策爾丹色木諸隘復進克僧格宗馬柰絨布梁卡卡角諸隘授副都統待闈復進克沙錫理穆當噶爾碉卡羊圈河橋四十四年請撥兵三千往宜喜助明亮允之攻噶咱普得婁奪卡五攻布咱爾尼山梁奪沿河卡五攻庚額特山梁奪大碉三卡八攻噶咱普得爾窩賊棄碉竄追至馬爾邦乞降

富德從軍二年未能大有摧破屢下詔敦責之至是命下部叙功金川平阿桂勅富德溢賞侵土兵鹽菜銀兩彈不足下桂林發實復命袁守侗如川會阿桂具獄富德密上清字疏訐阿桂上命檻送京師廷訊乃具服溢賞並以銀六錠入己又受知府曾承謨餽金五十兩並勅副將廣著不待命卽令其充兵廣著自戕死清字疏復稱阿桂手持黃帶語不遜坐誣告大逆例當斬遂見法

薩賴爾蒙古正黃旗人本厄魯特頭人隸準噶爾台吉達什達瓦爲宰桑乾隆十五年準噶爾內亂薩賴爾率所屬四十七戶降安置察哈爾命入旗授散秩大臣準噶爾台吉喇嘛達爾扎請遣薩賴爾歸不許授參贊大臣出北路十九年烏梁海得木齊扎木參入邊薩賴爾以五百人禦之擒扎木參而遣收凌朔岱訥庫勒等十人還事聞授內大臣旣遣還諸人來告宰桑雅爾都得木齊阿茂海欲來歸乞駐牧烏蘭固木克木齊克薩賴爾言雅爾都等親阻許駐特斯河否則騙之阿爾台山外並請發厄魯特兵聽調尙書舒赫德以爲未便上諭薩賴爾相機而行命舒赫德會同薩賴爾及車凌等選台吉宰桑可信任

者將兵二百人並令侍衛永柱會總管阿敏道巡察哈爾八旗兵五百交薩賴爾爲招諭驅逐之用薩賴爾兵至卓克索烏梁海宰桑雅爾都車根赤倫察達克圖布慎瑪濟岱各鄂拓克竄徒阿爾台山外薩賴爾奏烏梁海等已遠遁但貪戀故土必仍回牧彼時整兵速出易於收服請暫撤兵還允之輝特台吉阿睦爾撒納來降命薩賴爾迎勞頒賞旋偕喀爾喀貝子車木楚克扎布等以千八百人擊雅爾都車根赤倫察達克四宰桑於察罕烏蘇敗之獲牛馬無算初有扎哈沁宰桑庫克新瑪木特者犯卡倫僞追之弗獲達青河誘執之上責其不武令縱之去瑪木特移牧布拉罕託輝不卽降道遇通瑪木特被擒繫之諾海克卜特勒薩賴爾訶知之自烏蘭山後掩擒通瑪木特並獲庫克新瑪木特送軍營安置其戶畜於庫克爾克勒上嘉之授子爵世襲遞正白旗領侍衛內大臣時定議征達瓦齊命薩賴爾爲定邊右副將軍二十年正月率師偕參贊大臣鄂容安等山西路師行厄魯特降者於途中肆刦上戒鄂容安以己意喻薩賴爾使自歛戢阿睦爾撒納請移牧烏里雅蘇台招輝特部衆上察其意

臣測諭薩賴爾令防範並促其進兵薩賴爾等疏報扎哈沁得木齊巴哈曼集以三百餘戶宰桑敦多克以千餘戶來降復遣侍衛瑚集圖招諭達瓦齊同族台吉噶勒藏多爾濟尋率台吉諾海奇齊等三十餘人來降詔封爲綽羅斯汗上諭獎薩賴爾解所佩荷包以賜並賜雙眼孔雀翎三月薩賴爾與諸將和起齊努渾自羅克倫督兵赴博羅塔拉與北路班第等軍合疏言招撫倬羅斯台吉袞布扎卜等皆率所屬來降凡四千餘戶葉爾羌哈什哈爾和卓木獻玉盤請降令各回原牧降人請與地耕牧令往吐魯番莽噶里克處受地阿陸爾撒納屬人二百餘及額林哈畢爾噶爾夷八百餘戶令附屬扎哈沁宰桑有牲畜者畀籽種令其耕牧並自羅克倫啓行馳檄達瓦齊曉諭利害上獎其籌畫安協以御用寶石朝珠賜之薩賴爾兵至登努勒台將軍班第等亦至尼楚袞兩軍合達瓦齊居伊犁河西格登不設備五月西路軍自固勒扎渡口越推墨爾里克嶺直抵格登達瓦齊篩遁未幾就擒伊犁平詔封薩賴爾一等超勇公賜寶石頂四團龍服六月軍還徵阿睦爾撒納入覲薩賴爾同班第鄂容安駐守

伊犁留兵五百爲衛七月阿睦爾撒納謀叛逗遛途中班第等屢疏入告薩賴爾亦以爲言上密諭諸臣擒治弗能決阿睦爾撒納遂遁其徒克什木等爲亂班第鄂容安死之薩賴爾更衣降十二月薩賴爾遣使詣巴里坤辦事大臣和起以阿睦爾撒納蹤跡告請發兵往擊和起以聞上令將軍策楞傳諭慰勞賽荷包鼻煙壺俟其至賜之又命理藩院員外郎唐喀祿董其游牧二十一年正月薩賴爾脫出至吐魯番巴里坤參贊大臣達爾黨阿率兵往會薩賴爾疏請罪上令駐特訥格爾仍授定邊右副將軍三月策楞疏言侍衛巴寧阿自伊犁歸言克什木之亂將軍班第等自固勒扎赴哈密之賊甫至薩賴爾欲奔鄂容安曰賊來當戰胡急走薩賴爾答言爾何知遂策馬去衆從之班第等僅餘司員侍衛及衛卒六十人夜賊至班第等遂自殺上命逮薩賴爾入都鞫實以薩賴爾降人貸其死命鋗之獄班第等喪還執克什木馘以祭令薩賴爾觀之尋以叛黨漸次就擒釋出獄二十四年授散秩大臣鑲白旗蒙古副都統乾清門行走旋擢內大臣復封二等超勇伯卒圖形紫光閣

論曰國重有世臣然承平久富貴宴安恆不足任使出任軍旅兵未接將已內
怯幾何不儻事耶策楞輩擁兵玩寇其病正坐此雅爾哈善文墨吏其殺降亦
以內怯富德族微力戰致通顯有功而不善居卒以遭禍薩賴爾反覆迹甚著
獨以降人蒙寬典幸矣

清史稿

列傳一百二

高天喜

和起

唐喀祿

阿敏道

滿福

豆斌

端濟布

和起

高天喜甘肅西甯人天喜本準噶爾人雍正中爲我師所俘高氏撫爲子因從其族籍從軍累擢保甯堡守備乾隆二十二年副將軍兆惠擊伊犁天喜從參將邁斯漢赴援遇噶勒雜特賊百餘擊殺之獲其駝馬旣聞兆惠被困濟爾哈朗議馳救邁斯漢怯不進巴里坤辦事大臣雅爾哈善以聞上卽奪邁斯漢官以命天喜尋遼金塔協副將再遷西甯鎮總兵授領隊大臣二十三年十月師攻葉爾羌兆惠議出間道襲取賊輜重渡黑水天喜督兵修橋度師未及半賊大至天喜聞兆惠陷賊陳倉橋亟赴之奮與賊戰與鄂寶三格特通額俱沒於陳上賦詩惜之謚果義又賜其家白金千鄂寶西林覺羅氏滿洲鑲藍旗人大

學士鄂爾泰第二子出爲叔父鄂禮後自廢生授三等侍衛累遷本旗副都統左翼前鋒統領兄鄂容安死阿睦爾撤納之亂鄂寶請從軍授參贊大臣佐定邊將軍成袞扎布出西路二十二年夏成袞扎布令逐捕扎那噶爾布鄂寶以地險馬疲中道引還上手詔誥責曰若謂地險賊何以能行若謂馬疲賊馬何獨能壯健左授藍翎侍衛是冬鄂寶逐扎哈沁賊斬一百四十餘級獲牲械上謂今當大雪馬力應疲乏尙能勦賊彼時鄂寶爲參贊大臣有事但諉諸將軍茲以負罪乃直前剝賊朕知其隱矣量遷三等侍衛死事上令仍視前鋒統領賜卹謚果壯三格棟鄂氏滿洲正白旗人自諸生授藍翎侍衛累遷黑龍江副都統命將索倫巴爾呼兵三千佐參贊大臣策楞出西路爲領隊大臣策楞以怯懦逮三格亦坐奪官旋復授正白旗蒙古副都統攻呼爾瑞台吉賽音伯勒克等再戰掠其牧地予三等輕車都尉世職二十二年春定邊將軍成袞扎布令逐捕扎那噶爾布未得秋師至博羅和羅遇叛黨額林沁達瓦等百餘戶三格與戰會布魯古特台吉瑚齊呼爾瑞台吉達瓦斬扎那噶爾布僞請降並請

招額林沁達瓦三格信之遽引師還齊等旋遁去坐奪官並削世職以兵伍
自效死事上命仍祀副都統賜鰲謚剛勇天喜鄂寶三格並祀昭忠祠子騎都

尉兼雲騎尉世職回部平圓形素光閣特通額策楞子也附見策楞傳

和起馬佳氏滿洲鑲藍旗人其先世阿音布國初以軍功授拜他喇布勒哈番
世職和起豐職授盛京協領累擢甯夏副都統乾隆十九年命與侍衛海福將
千人佐定西將軍永常討達瓦齊遼寧夏將軍永常劾和起兵不及額而和起
先疏言將九百人以往留百人護輜重上得永常疏不之罪也尋又命偕提督
豆斌爲巴里坤辦事大臣策楞代永常爲定西將軍復劾和起送兵馬遲誤當
奪官留任旋復官授欽差大臣關防召詣京師諸軍事達什達瓦所屬宰桑訥
默庫曼集烏達瑚們都等在軍私還游牧命和起嚴鞫得實以降人請予寬典
上不許命正軍法二十一年十一月額特台吉巴雅爾叛掠扎哈沁五百餘戶
定邊右副將軍兆惠令和起將索倫兵百人往按撫吐魯番伯克莽阿里克等
集圍展而噶勒雜特宰桑哈薩克錫喇布魯特台吉尼瑪陰應巴雅爾詭以兵

五百會和起望兵至疑之令莽阿里克訓之紹告曰我兵也遼時尼瑪等操戈前莽阿里克自後謀賊衆讐集和起所將兵僅百人負重創手刃數賊股中槍徒步轉戰至夜力盡和起垂死命索倫侍衛努古德彰全布突圍出以所戴孔雀翎爲識報兆惠遂死之謚武烈追封一等伯以一等子世襲祀賢良昭忠二祠二十三年師還獲尼瑪及其子檻送京師命戮於和起墓前子和隆武自有傳

唐喀祿他塔喇氏蒙古正藍旗人自筆帖式再遷理藩院員外郎乾隆十九年賜副都統銜命赴北路軍董理新降叛特台吉阿睦爾撒納班珠爾等游牧地唐喀祿疏言班珠爾所屬多老稚不能耕處飢餓上以距耕時尚遠責其瑣屑命撤還扎薩克林不勒多爾濟初命同董理游牧將軍別有指揮唐喀祿疏請留上責其不當左遷理藩院筆帖式尋復授員外郎命送濟降呼圖克圖自巴林赴伊犁董理定邊右副將軍薩喇爾游牧復賜副都統銜授領隊大臣將駐防扎布堪兵千人從定邊右副將軍哈達哈赴哈薩克逐捕阿睦爾撒納賊渠

固爾班和卓遁入烏梁海唐喀祿報哈達哈督兵擒之賜孔雀翎阿睦爾撒納令其徒達瓦藏布入掠唐喀祿令索倫總管鄂博什將五百人禦之降其衆三百尋命屯科布多授理藩院侍郎鑲藍旗蒙古副都統唐喀祿行按諸部輝特降人屯扎克齊每自相劫奪請移屯呼倫貝爾齊齊哈爾諸地喀爾喀俘獲扎哈沁特楞吉特奇爾吉斯烏爾罕濟蘭諸部人萬餘請以扎哈沁人移駐卡倫內特楞吉特奇爾吉斯烏爾罕濟蘭人給東三省兵丁爲奴杜爾伯特游牧請移烏蘭固木上並從其請歸山西路擊哈薩克錫喇命唐喀祿屯額爾齊斯爲聲援阿睦爾撒納敗走唐喀祿調知杜爾伯特貝勒巴圖博羅特台吉阿喇善等潛與相結遣兵攻之輝巴朗山禽阿喇善等並戮烏梁海五十餘戶遂赴塔爾巴哈台逐捕阿睦爾撒納及哈薩克錫喇賜御用荷包鼻煙壺至塔爾巴哈台糧罄馬乏唐喀祿引師退疏言違旨撤兵上怒左授藍翎侍衛佐定邊左副將軍納穆扎爾出北路降人和碩齊上擢用至散秩大臣至是令護哈薩克來使入邊上命納穆扎爾遣唐喀祿將二百人迎之阿睦爾撒納竄俄羅斯上

命唐喀祿偕和碩齊駐額爾齊斯偵禦二十三年三月土爾扈特舍稜等謀走俄羅斯上命偕和碩齊逐捕四月師次布固圖河獲舍稜弟勞章扎卜勞章扎卜詭爲兄乞降唐喀祿未敢信和碩齊遽縱之還越日舍稜詭約降獻酒和碩齊飲之邀唐喀祿過其營賊噪而起唐喀祿及侍衛富錫爾穆倫保佛爾慶額力戰均遇害和碩齊更衣降事聞賜騎都尉世職祀昭忠祠富錫爾佛爾慶額皆滿洲鑲黃旗人穆倫保滿洲正白旗人皆賜雲騎尉世職

阿敏道圖爾格期氏蒙古鑲紅旗人世居察哈爾父阿吉斯康熙間討噶爾丹以員外郎從軍中道糧置兵苦飢阿吉斯言於衆曰我等官兵世受國恩甘斃道路誓竭力前進衆皆諾於是昭莫多之勝聖祖嘉其能予拖沙喇哈番世職卒阿敏道襲職雍正初累遷二等侍衛九年命將巴里呼兵百人自固爾班塞堪赴巴爾坤佐軍又命偕侍讀學士查克丹調喀爾喀兵三千率之往尋復借護軍統領費雅思哈赴烏爾輝音扎罕練兵乾隆元年準噶爾乞和撤軍阿敏道還京授鑲藍旗察哈爾總管十九年師收烏梁海將察哈爾兵以從加副

都統銜二十年遷所獲巴爾沁人等於齊拉罕師定伊犁定北將軍班第奏以
阿敏道督臺站是年阿睦爾撒納叛班第陷賊阿巴噶斯哈丹附逆肆掠台站
中斷阿敏道輒督兵巡徼使驛遞恒得相續會定西將軍永常自木壘退駐烏
爾圖不克撤阿敏道還上永奪常官以策楞代將命阿敏道將精騎詣伊犁
求班第消息策楞不卽遣上詰責之尋將千人捕阿巴噶斯哈丹賊衆二十一
年授鑲藍旗蒙古副都統時回曾布拉呢敦霍集占有異志定邊右副將軍兆
惠訓知之阿敏道將索倫兵百厄魯特兵三千赴葉爾羌喀什噶爾慰撫且使
致二渠至庫車霍集占在焉閉城拒我師阿敏道斬游騎四十餘圍之城人詭
言曰厄魯特吾仇慮爲害撤還卽納降阿敏道遂命厄魯特兵退僅留索倫兵
百或慮有變阿敏道曰吾招撫回衆惟期於國有濟何暇他慮遂入爲霍集占
所執二十二年上諭諸將檄霍集占送阿敏道還不從謀加害庫車伯克呼岱
巴爾以告阿敏道謀脫歸不克死之二等男署察哈爾營總旺扎勒及諸裨將
棚科噶金吹扎木蘇七巴克薩恰並索倫兵百人皆從死事平諸有功者圖形

紫光閣阿敏道列後五十功臣加世職爲騎都尉兼一雲騎尉祀昭忠祠旺札勒加雲騎尉綱科等皆予雲騎尉世職

滿福瓜爾佳氏滿洲鑲藍旗人自世管佐領累擢拉林副都統乾隆二十二年遷都統駐巴里坤命將吉林兵千人屯吐魯番尋授領隊大臣定邊將軍成袞扎布出珠勒都斯令滿福將三百人巡視阿勒輝至烏納哈特十三臺站搜勦噶哈沁沙拉斯嗎唬斯既降復叛掠臺站上命滿福自阿勒輝往勦又令巴里坤辦事大臣阿里袞帥師與會阿里袞未至滿福信之行次哈喇和落徑險敗走僞遣人乞降且言賊渠已就縛請除道迎滿福信之行次哈喇和落徑險林密下臨深溝滿福悟爲賊所給急麾前隊返賊千餘突自林中出圍我師滿福厲聲督兵力戰被創墜溝死之上以滿福雖爲賊所愚惑其捐軀命如陣亡例議卹謚武毅祀昭忠祠圓形紫光閣

豆斌陝西固原人初以馬兵入提標累遷肅州鎮標中軍守備雍正間從征準噶爾力戰受創賜白金四百遷川陝督標前營游擊準噶爾犯科舍圖率兵擊

走之乾隆初累遷提督自廣東移廣西疏言各營鳥槍舊式大小參差坐臥倚伏不能應手又質薄易熱難收實用請照陝西威字號纏絲鎗式改製下兩廣總督議行俄調還固原又命以提督銜領湖北宜昌鎮總兵事尋復歷甘肅安西提督命討準噶爾師將標兵出駐巴里坤以輸軍馬後時下吏議旋乞病罷居數月復授安西提督仍令赴巴里坤兆惠帥師攻霍集占於庫車命斌將所部從充領隊大臣徵巡魯克察克闢庫車諸地驛路兆惠被圍黑水斌從副將軍富德自阿克蘇兼程赴援師次呼爾瑞霍集占以五千人迎戰我師分兩翼賊據高岡斌率中軍火器進攻賊知我師馬力乏擁衆相逼阿里袞解馬至斌偕衆將夾擊脇中創仍力戰賊大敗創甚遂卒諡壯節祀昭忠祠予騎都尉兼雲騎尉上製詩惜之回部平圖形紫光閣孫靄襲世職官至山東登州鎮總兵端濟布瓜爾佳氏滿洲鑲黃旗人自前鋒累遷頭等侍衛鑲黃旗察哈爾總管乾隆二十二年上令選兵千佐定邊將軍兆惠出西路自朱爾圖斯赴瑪納斯獲得木齊鄂羅斯並所部三百人馬駝牛羊二千餘扎哈沁頭人巴哈曼集叛

走端濟布偕侍衛奎瑪岱追捕至小衛和勒津降所部二百戶又得掠臺站賊札木布師捕治厄魯特頭人噶爾藏多爾濟扎那噶爾布等布魯古特台吉璉齊呼爾璉台吉達瓦斬扎那噶爾布詣端濟布軍請降端濟布遠引師還璉齊達瓦復叛去上懲端濟布惟事姑息命靖逆將軍雅爾哈善按治師至羅克倫孟古圖嶺獲噶爾藏多爾濟宰桑羅卜札尼瑪得木齊敦多克檻送巴里坤上聞命貸端濟布罪扎哈沁得木齊哈勒拜等謀掠臺站參贊大臣哈寧阿檄端濟布往捕至瑪納斯得間諜十餘渡河至美羅托山賊遁收其游牧牲畜師圍庫車端濟布將吉林厄魯特兵以從霍集占將三千人自賽里木來援屯高阜端濟布偕侍衛順德納等奮擊斬二千餘級師攻葉爾羌霍集占築臺城東北端濟布及侍衛諾爾本將右翼後隊攻之賊拒戰復斬二千餘級兆惠被圍於黑水端濟布從定邊左副將軍富德赴援十餘戰至呼爾璉與兆惠軍會賜三等輕車都尉世職授鑲紅旗滿洲副都統帥逐賊戰於阿爾楚爾再戰於伊西河庫爾淖爾端濟布將二百人截賊逃路偵山有賊寨越嶺攻之被創賜號塔

什巴圖魯師還圖形紫光閣列前五十功臣卒贈都統謚壯節祀昭忠祠諭以
端濟布力戰受傷與陣亡者無異也諾爾本吳機格忒氏滿洲正藍旗人以前
鋒從軍富德獲宰桑烏巴什遣諾爾本送兆惠軍道遇賊力戰賜號克籌巴圖
魯師圍庫車霍集占來援諾爾本偕公袞楚克侍衛齊凌札卜齊努渾等擊賊
右翼賊敗走逐之六十餘里至鄂根河口斬獲甚衆賊逃入蘇巴什山復偕齊
努渾入山搜戮溫詔嘉焉師攻葉爾羌偕端濟布戰城東敗賊師還命在乾清
宮行走賚銀帛賜騎都尉加一雲騎尉世職圖形紫光閣擢頭等侍衛從明瑞
征緬甸擊賊被創尋令將兵屯騰越還京擢國場總管加副都統銜卒

論曰高天喜驍勇善戰與鄂寶三格奮鬥破陳死事爲最烈和起等倉卒爲賊
陷慷慨授命斌與端濟布以力戰受創得與戰死者同其血食旌勇勳忠當如
是也

清史稿

列傳一百三

瑚爾起

愛隆阿

烏巴蘇阿

舒明

福祿

齊里克齊

閻相師

伊柱

努三

瑚爾起瓜爾佳氏滿洲鑲藍旗人自筆帖式累遷協領乾隆十三年從征金川遷呼倫貝爾總管二十年從征準噶爾加副都統銜二十一年從參贊大臣達爾黨阿自珠爾都斯逐捕阿睦爾撒納調知阿睦爾撒納竇哈薩克從定邊左副將軍哈達哈以師臨之哈薩克汗阿布賚拒戰擊敗之斬百餘級得馬二十餘匹其頭人吉阿睦爾撒納方在泥雅斯圖山檄阿布賚禽獻杜爾默特貝勒巴圖伯羅特等潛遁阿睦爾撒納瑚爾起與戰輝巴朗山執伯羅特盡殲其部衆及阿睦爾撒納所留烏梁海五十餘戶沙喇斯瑪呼斯既降復叛掠臺站而布魯古特台吉輝齊等戕察哈爾總管巴寧阿以叛上命瑚爾起偕鄂寶三格

副哈寧阿將千人駐濟爾哈朗巴里坤適中地捕琿齊及沙喇斯瑪呼斯部衆
瑚爾起偕鄂寶追勦札哈沁逃賊又偕副都統巴圖濟爾噶勒自呼斯坦至尼
勒喀河偵琿齊等百餘戶逃牧突擊執之尋從師自伊犁逐勦諸回部至善塔
斯顛招降布嶺特頭人圖魯禮拜鄂庫及其部衆搜捕阿里瑪圖河逸賊上以
索倫兵從征久召瑚爾起及副都統鄂博什率以還瑚爾起等仍請從軍將軍
兆惠攻霍集占於葉爾羌被圍定邊右副將軍富德檄瑚爾起及巴圖濟爾噶
勒率索倫兵自伊拉里克赴援以馬駝未至負糧械步行戈壁中上獎諭卽授
正白旗蒙古副都統師至巴圖楚克兆惠聞已解與富德軍合霍集占之徒阿
卜都克勒木等侵和闐攻哈拉哈什侍衛齊凌扎卜請援兆惠令瑚爾起與巴
圖濟爾噶勒督兵赴援齊凌扎卜馳告夜行至伊立齊賊聞兵至引退訥知賊
騎七百餘屯博爾齊天大霧瑚爾起督兵突擊賊潰走追至皂溝勒河斬百餘
級收回人四千餘戶和闐遂平上賦博羅齊行紀事賜瑚爾起雲騎尉世職師
自喀喇烏蘇逐捕霍集占至阿爾楚爾賊設伏兩山間我軍張兩翼擊之賊敗

走三十里負山而屯瑚爾起等自山麓橫衝入陳師夾擊賊大敗越山遁師從之至伊西河庫爾淖爾瑚爾起等爲伏東山側擊賊復大敗霍集占竄入巴達克山巴達克山汗素勒坦沙獻霍集占首瑚爾起將索倫兵還資銀幣圖形紫光閣列前五十功臣瑚爾起疏言呼倫貝爾多水泉可耕請選塔雅沁降回百戶往耕上命瑚爾起以副都統爲呼倫貝爾總管兼其事移黑龍江副都統從征緬甸收猛拱猛養諸地卒於軍賜騎都尉併前世職爲一等輕車都尉祀昭忠祠

愛隆阿覺爾察氏滿洲正黃旗人自前鋒侍衛累遷齊齊哈爾副都統乾隆二十一年授領隊大臣赴巴里坤軍營借參贊大臣富德逐捕巴雅爾至愛登蘇遇阿布資部衆突出數與戰却之自巴爾楚克至濟爾哈朗置臺站逐賊沙喇博和什嶺遇都爾伯特納木奇游牧乞降旋遁去愛隆阿追及之殺千餘人納木奇遂納款歸至察罕烏蘇收厄魯特宰桑烏魯木游牧百餘戶歸屯濟爾哈朗命愛隆阿駐守濟爾哈朗巴里坤適中地尋從靖逆將軍雅爾哈善討霍集

占先是愛登蘇之戰侍衛奇徹布戰沒至是愛隆阿上言前擒巴雅爾奪還奇
徹布戶富德未及疏列定邊將軍兆惠疏言愛隆阿原報所無事後追論顯爲
爭功請嚴議詔原之師圍庫車賊來之援愛隆阿等與戰於戈壁殲賊甚衆霍
集占將五千人續至愛隆阿等率吉林及索倫兵千騎逐賊至鄂根河側與戰
迫賊入水死者三千餘人拔其纛驛致京師上爲賦回蘇行獎其能戰旋從將
軍兆惠至葉爾羌與霍集占部衆戰當左翼兆惠被困靖逆將軍納穆札爾赴
援愛隆阿將兵截喀什噶爾賊援路微巡臺站至托罕塔罕遇賊勦殺百餘人
上授愛隆阿參贊大臣令與定邊右副將軍富德援兆惠愛隆阿戰呼爾瑞再
戰葉爾羌河遂與兆惠軍合尋引兵駐烏什兼防喀什噶爾于雲騎尉世職復
從富德逐霍集占戰於伊西河庫爾淖爾微巡臺站值噶嘯斯賓巴等謀劫察
罕烏蘇臺站以兵追襲斬獲殆盡進騎都尉世職還授正白旗護軍統領兼
鑲白旗蒙古副都統圓形紫光閣列前五十功臣再進一等輕車都尉兼一雲
騎尉世職授伊犁參贊大臣卒弟巴靈阿自親軍校累遷二等侍衛授察哈爾

總管賜坤都爾巴圖名號授領隊大臣博羅齊搜捕厄魯特部衆遇伏戰死賜雲騎尉世職圓形紫光閣列後五十功臣

舒明烏梁海濟勒莫特氏蒙古正黃旗人自二等侍衛累遷都察院左副都御史正黃旗護軍統領命赴北路軍爲諸部降人董理游牧旋授吏部侍郎諭知降人納默庫戕臺站侍衛謀以所部叛馳奏勅參贊大臣阿蘭泰往捕治阿蘭泰請益兵上責其紛擾納默庫就擒上以舒明籌策得宜而阿蘭泰推諉遲誤奪阿蘭泰三等男爵畀舒明在邊諸部降人至者爲之拊循噶雜特宰桑根敦降上授佐領使與丹畢游牧同處都爾伯特台吉伯什阿噶什烏巴什降上授伯什阿噶什親王烏巴什貝子游牧額爾齊斯舒明爲陳請留屯哈達青吉勒達什達瓦部降編爲三旗移阿爾台其續至者使處扎哈沁舊游牧地策凌烏巴什巴圖博羅特及達瑪林等部衆貧甚疏請賑上爲發米六百石上聞和托輝特青凌雜卜將叛命舒明諭之舒明言叛已著命會將軍成袞札布等捕治授參贊大臣成袞札布令將科布多兵二百以往上命侍衛巴寧阿勒泰

將三百人爲舒明佐旋命偕成袞札布駐烏里雅蘇臺授理藩部侍郎再遷綏遠城將軍兼領歸化城都統二十七年卒子雅滿泰襲三等男累遷正白旗蒙古副都統坐事左授頭等侍衛與保泰同充駐藏大臣廓爾喀侵後藏與保泰同得罪荷杖復起至頭等侍衛卒

福祿旺察氏蒙古正白旗人自護軍校累遷福建建甯鎮總兵內移正藍旗蒙古副都統外授直隸宣化廣東右翼諸鎮總兵又內移正紅旗漢軍副都統乾隆二十三年授參贊大臣駐烏里雅蘇臺旋命將索倫兵二千人赴巴里坤時定邊左副將軍成袞札布與參贊大臣阿桂會討舍楞福祿請具三月糧自科布多輸送從之至海拉爾與御前侍衛敦察會師進旋佐將軍兆惠討霍集占偕定邊右副將軍富德帥師次呼爾瑪霍集占以五千餘人來犯福祿偕領隊大臣永慶率索倫察哈爾兵擊之自己至申與賊戰十餘次賊潰去進次葉爾羌河岸城賊突圍出富德與福祿等領中軍自右進追賊渡河賊屢敗兆惠自葉爾羌出至阿爾吉什偵鄂斯璘方侵和闐疏請富德福祿帥策應上命福

祿偕策布登札布以兵堵霍集占竄俄羅斯路旋命駐軍和闐予雲騎尉世職遷杭州將軍準噶爾平圓形紫光閣上巡浙江福祿督駐防兵肆武製閱武詩獎之調西安將軍授領侍衛內大臣以老乞休卒

齊里克齊蒙古鑲黃旗人初爲額魯特人以地爲氏乾隆二十年師征準噶爾來降準噶爾平從定邊將軍兆惠擊霍集占戰於霍爾果斯霍集占敗走降頭人圖魯啟拜等授藍翎侍衛護哈薩克使臣詣京師遷三等侍衛復從定邊右副將軍富德擊霍集占至色勒庫爾敵踞山以拒齊里克齊偕前鋒參領喀木齊布督健銳營兵自山陰攀登仰擊霍集占敗遁降所部二千餘人獲軍器駝驛賜布哈巴圖魯勇號師還命在乾清門行走圓形紫光閣再遷頭等侍衛予雲騎尉世職三十二年從將軍明瑞征緬甸遇賊於底麻敗之賜副都統銜召回京再遷鑲黃旗蒙古副都統三十七年師征金川命督健銳營從參贊大臣阿桂出南路授領隊大臣攻美諾克之金川平師還領健銳營嘉慶初教匪起送察哈爾馬如湖北軍事竟卽還上以未請從軍詔誥責奪官削世職尋授鑲

黃旗蒙古副都統卒

閻相師字渭陽陝西高臺人入伍累遷安西前營遊擊雅爾哈善謀誅厄魯特降人沙克都爾曼吉天大雪相師將五百人僞爲失道求寄宿其堅夜分鳴箭驟起殺沙克都爾曼吉殲其部衆四千餘人尋借副將丑達將千人赴魯克察克同額敏和卓逐回曾恭阿里克錄功遷金塔寺營副將屯田吐魯番掘甘肅肅州鎮總兵賜花翎從雅爾哈善討霍集占授領隊大臣圍庫車力戰被創師克阿克蘇以相師駐守已復隨勦霍集占於葉爾羌授安西提督駐喀什噶爾未幾改甘肅提督移駐庫車上命屯田烏魯木齊凱旋入覲賚銀幣圓形紫光閣引疾罷予食全俸旋卒贈太子太保謚桓肅相師軀幹修偉有至性既貴念親不遠養每食泣下得俸與兄弟不問出入所居鎮夷堡地萬畝爲灌渠溉數百家利賴之

伊柱薩克達氏滿洲正白旗人父塔勒馬善雍正間以副都統將歸化城兵從征噶爾丹策凌將軍達爾濟駐伯格爾世宗命塔勒馬善參贊軍務署前軍統

領逐賊至額爾河源駐軍烏里雅蘇臺乾隆初權定邊左副將軍召還師復
征準噶爾命赴額爾齊斯屯田二十一年授北路參贊大臣復召還授護軍統
領卒伊柱自佐領再遷索倫總管偕副都統濟福侍衛德爾森保赴喀爾喀車
臣部捕盜得逋賊二十四年從將軍兆惠討霍集占霍集占之棄葉爾羌走也
副將軍富德等逐之至阿爾楚爾賊設伏兩山間師分三隊奮擊伊柱領右翼
戰自辰至午賊大潰翼日至巴達克山界伊西洱庫爾淖爾賊據險守師分道
進攻樹回蘇降賊萬餘伊柱偕巴圖濟爾噶勒等堵山後策應富德遣侍衛賽
普圖等諭巴達克山汗使禽霍集占以獻伊柱駐兵卡倫爲聲援瓦罕伯克率
所部降尋巴達克山汗素勒坦沙函獻霍集占首回部平伊柱將千人駐喀什
噶爾護諸降人屯田伊犁歸還上御豐澤園宴勞賜伊柱緞十二白金五百伊
柱復出領屯田爲置臺守望疏渠灌溉農隙督佃伐木作屋以居上諭令加意
開拓遷鑲藍旗蒙古副都統從將軍明瑞征緬甸擊賊老官屯卒於軍進三等

輕車都尉世職

努三瓜爾佳氏吉林滿洲正黃旗人自前鋒再遷頭等侍衛御前行走乾隆十一年四川總督慶復劾下曉對頭人班滾命努三如慶復軍慶復疏報班滾焚死罷兵張廣泗代慶復言班滾現在慶復坐得罪努三罷御前行走尋授鑲白旗蒙古副都統正藍旗護軍統領十八年師征準噶爾命從湖廣總督永常籌軍事旋帥師駐鄂爾坤準噶爾宰桑瑪木特闡入卡倫授參贊大臣命會將軍成袞札布逐捕努三與參贊大臣薩賴爾護軍統領烏勒登合軍軍不敢雜取牲畜努三獲逃人特赫拜哈都未聞上烏勒登收烏梁海縱逃人巴朗上詰責努三烏勒登下定北將軍班第等按治努三烏勒登自陳收牲畜置以自私事始薩賴爾上以薩賴爾新降不知法度責努三等不得以此諉過尋讞上坐失巴朗罪當斬詔錄其前勞恕死留軍仍籍其家族授藍翎侍衛再遷頭等侍衛命與左都御史何國宗赴伊犁測天度繪地圖送兵詣巴里坤請回京左授藍翎侍衛留巴里坤差遣招撫巴爾達穆特各鄂拓克有勞三遷鑲藍旗護軍統領督巴里坤屯田兆惠被圍黑水努三從定邊左副將軍富德往援至呼爾𫞩

分兩翼擊賊與兆惠軍會賜騎都尉世職師還賜銀幣累遷領侍衛內大臣正藍旗滿洲都統卒謚恪靖烏勒登烏禮蘇氏滿洲正白旗人自前鋒累遷鑲黃旗蒙古副都統護軍統領乾隆十三年從征金川經略大學士傅恒至軍令駐軍馬奈十八年師征準噶爾授參贊大臣駐烏里雅蘇臺扎哈沁宰桑瑪木特等闖入卡倫烏勒登偕喀爾喀副都統策登扎卜將五百人與參贊大臣努三分道捕治參贊大臣薩爾賴收烏梁海烏勒登自索郭克策應俘獲甚衆尋坐縱逃人巴朗並與努三匿所獲烏梁海牲畜罪當斬貸死從軍尋授頭等侍衛命選厄魯特宰桑厄勒錐音等兵赴伊犁討賊加副都統銜授領隊大臣進剿阿巴噶斯哈丹等遊牧阿睦爾撒納竄哈薩克定西將軍策楞遣烏勒登將千人從參贊大臣玉保逐捕玉保中道引還烏勒登師至庫隴突嶺阿睦爾撒納脫走逮詣京師廷鞫言初聞阿睦爾撒納遁請發兵速追之策楞玉保俱不允後從玉保往復請追擊玉保止發兵五十至庫隴突嶺僅餘二十人駝復乏阿睦爾撒納於師行日已過嶺竄哈薩克上以其言質貸死授三等侍衛在乾清

門行走尋仍遣赴軍定邊將軍兆惠招降布勒特部頭目圖魯啓拜令烏勒登自珠木罕至圖固斯塔老宣詔護降人入覲摺頭等侍衛授參贊大臣令捕瑪哈沁並截霍集占逃路尋以捕瑪哈沁不力令在領隊大臣上行走師還累遷鑲黃旗蒙古都統左翼前鋒統卒

論曰從兆惠富德討霍集占有功諸將校若瑚爾起愛隆阿鐵敵寧旗見於詠歌厥績懋焉舒明逐叛招降以勞受爵福祿努三與呼爾瑞之役齊里克齊佐色勒庫爾之戰相師助庫車之圍伊柱收伊西洱之降錄功皆居最抑亦其次也

清史稿

王無黨

吳進義

列傳一百四

譚行義

樊廷

武進陞

范鏡齋

王無黨直隸萬全人康熙五十一年武進士授藍翎侍衛累遷廣西梧州協副將貴州台拱九股苗爲亂無黨率師討定之擢左江鎮總兵九股苗復爲亂無黨馳抵古州分兵赴八寨督剿經略張廣泗檄無黨分攻台拱大台雄克之平交上等三十餘寨禽其渠巴利會收牛皮大筭乾隆元年署貴州提督從廣泗撫定上下九股諸苗從爲亂者二年眞除疏陳黔省急務請籌積貯築城垣整墩臺塘房禁掠賣人口下部議行定番州屬姑蘆寨苗恃險強肆廣泗與無黨遣漢土官兵三千餘分道燬寨搜籌禽其渠老排十餘日而定上褒其妥協四年陞見賜孔雀翎六年移湖廣提督黑崗苗爲亂大學士鄂爾泰以無黨在貴州久熟苗事留使戡定乃上官八年上以湖廣軍政廢弛無黨至官未有所整

理下詔誅責十三年坐提標兵救火攘衣物兵部論無黨徇庇當奪官命詣京
師引見左授湖南沅州協副將遷雲南楚姚鎮總兵內摺鑾儀使復外授福建
漳州鎮總兵遷浙江提督以目疾乞罷卒諭壯慤

吳進義字子恒陝西富平人父開坼康熙二十七年一甲三名武進士官至雲
南元江副將進義入伍從振武將軍孫思克征噶爾丹割箸守備發江南借補
千總累遷江南壽春鎮總兵摺江南提督疏言太湖界江浙漁船姦良難辨請
照海洋例巡哨支河小汎飭兩省陸路兵巡查則聲勢聯絡姦宄歛迹有旨嘉
獎久之移浙江再移福建復還浙江時有僞爲孫嘉淦疏稿語計上進義與浙
閩總督喀爾吉善以聞上令究所從來語連提督屢胥吏喀爾吉善勸進義隱
諱命解官聽讞進義力辨未嘗隱諱其幕客證進義已見稿浙江巡撫雅爾哈
善論進義當重辟上愍其老命貰罪復以疏稿未得作僞主名令江蘇巡撫莊
有恭會鞫有恭疏陳進義實未見稿浙江承審諸吏牽合附會事下軍機大臣
覆訊得實上以進義無辜廢斥召來京命以提督銜署直隸宣化鎮總兵未幾

授吉北口提督進義請限操演火薬增設河屯協弓兵皆允行二十三年加太子少保二十七年卒年八十四加太子太保謚壯愍進義家世多武功從祖坤貴州永北總兵嘗征四川苗及金川有功坤子開增自武舉官至浙江溫州總兵

譚行義四川三臺人康熙時以武舉授陝西西寧衛千總雍正初從軍平青海再遷河南城守營參將河東總督田文鏡劾行義送陝西軍馬疲瘦奪官上令來京引見召對稱旨賜編刻上諭貂皮香珠復原官再遷廣東高雷廉總兵總督鄂爾達檄行義將五千人協剿貴州亂苗進擊滾縱高表諸寨經略張廣泗令赴援上江攻烏婆擺弔諸險要地搜牛皮大筭獲其魁歷福建漳州湖南鎮算諸鎮乾隆四年授廣西提督帥師會討楚粵亂苗宜山縣土蠻恃險劫掠行義與總督馬爾圖署巡撫安圖令游擊楊剛討之破白土邱索二村執其渠斬以徇忻城土縣外八堡有劇盜曰藍明星恃險焚劫行義檄副將畢映捕治明星遁入山搜捕得之有黃順者匿湖北廣東錯壤處謀爲亂貴州人黎阿蘭與

相應散旗印將起事行義諭知之督兵攻克賊巢擒斬首從七十餘事乃定柳州兵皆居草舍患火行義請發白金四千貸兵建瓦屋分三年還帑從之又有李彩者糾衆聚邊江石版村謀犯縣城行義既捕治誦城北設汎尋以擅發倉穀貸於兵左授登州鎮總兵十一年遷江南提督十四年移浙江提督十六年再移福建陸路提督十八年卒謚恭愍李勳貴州鎮遠人入伍稍遷守備從征台拱九股生苗廣泗檄同剿羊弔洞里羊色諸地搜牛皮大筭勳亦在行間累遷湖廣提督緬甸亂移雲南提督疏請自普洱馳往孟良捕治亂渠召散上以其老不勝瘴痼命還普洱勳已至孟良督總兵劉德成華封等葺堡寨防要隘得召散兄猛養等勳還卒於途加太子太保謚莊毅

樊廷陝西武威人初入伍更姓名王剛從征烏蒙青海西藏積功累遷甘肅肅州鎮總兵自陳復姓名改籍四川潼川縣準噶爾犯科舍圖卡倫盜駝馬其衆二萬餘廷率副將冶大雄等將二千人禦之轉戰七晝夜與總兵張元佐等軍合殺賊無算盡還所盜時提督紀成斌護甯遠大將軍印聞上詔褒廷以寡敵

衆忠勇冠軍賜白金萬一等輕車都尉世職授陝西固原提督都督僉軍入覲
請從軍命從署甯遠大將軍查郎阿出師屯南山副將軍張廣泗偵賊伏烏爾
圖水檄廷將千五百人自鹹泉子進剿至哈洮遇賊奪據山梁連敗之越噶順
抵鄂隆吉大坂殺賊四百禽三十六收其糧械乾隆初上從查郎阿請發甘涼
諸鎮兵五千人駐哈密置總統提督以授廷廷至軍疏言烏爾克爲極西第一
要隘兵出偵洮賴大坂北蘆草溝噶順溝東亂山子及烏爾圖水夜輒有火光
守隘兵寡請量增又疏言哈密兵在山南煙墩溝諸地牧駝馬請分山北防兵
巡護皆用其議在邊二年以病乞罷命還固原治疾遣醫往診尋卒於哈密遺
疏論防邊事甚切上深愍之命查郎阿經紀其喪歸葬涼州贈都督同知謚勇
毅子經文官至廣東右翼總兵經文子繼祖官湖北副將繼祖子從典請改籍
湖北恩施從典子燦官湖南永州鎮總兵同治中坐事罷

武進陞山西甯鄉人其後改籍江南江甯初以張姓入伍稍遷浙江溫州鎮標
守備雍正初閩浙總督滿保疏薦引見授三等侍衛屬怡親王允祥尋外授江

甯游擊累遷福建陸路提督言閩省不習騎射加意督率弓力漸增馬兵出馬收馬較前改觀高宗諭以如此方不負任使然亦不可欲速尤貴爲之以實要之以久進陞與總督喀爾吉善忤疏言喀爾吉善外似和平心質剛復令臣密察水師提督張天駿營伍臣辭以水師非所轄督臣正言厲色必令臣密察及察知水師陋規告之督臣督臣置不問反與天駿契合臣察漳州營馬值總兵馬負書爲督臣舊部巧爲徇私令臣無地自容又疏言喀爾吉善衰憊狀上斥進陞支離狂率喀爾吉善亦劾進陞徇所屬縱兵行竊因左授江南狼山鎮總兵進陞疏謝諭曰汝無他過祇好勝多事故左授示薄懲若不知改或遂委靡一切姑息皆不可也居數月擢江南提督以老罷再起終浙江提督卒年八十餘謚良毅馬負書漢軍鑲黃旗人乾隆元年一甲一名武進士授頭等侍衛累遷福建漳州鎮總兵疏言漳州民好鬪有所謂鬭棍結黨肆行土豪養爲牙爪請嚴治之上下其章喀爾吉善令體察懋治歷瓊州金門臺灣狼山諸鎮署古北口提督疏言兵習陳法無濟實用應於秋冬收穫後擇地成列爲仰攻旁擊

勢分合進退以金鼓爲節常月教場演習仍依營制得旨允行授福建陸路提督卒諡昭毅

范毓琦山西介休人范氏故巨富康熙中師征準噶爾輸米餽軍卒以百二十金致一石六十年再出師毓琦兄毓禴請以家財轉餉受運值視官運三之一雍正間師出西北二路怡親王允祥薦毓琦主餉計穀多寡程道路遠近以次受值凡石米自十一兩五錢至二十五兩有差累年運米百餘萬石世宗特賜太僕寺卿銜章服同二品寇犯北路失米十三萬餘石毓琦斥私財補運凡白金百四十四萬師旣罷米轉運近地戶部按近值核銷故所受遠值責毓琦追繳凡白金二百六十二萬復出私財採菱市銅供鑄錢以償毓琦以武舉授衛千總以駝佐軍擢守備累遷直隸天津鎮總兵自河南河北移廣東潮州疏請令潮州營兵如河北例兼習長槍短棍連接棍諸藝世宗命與總督鄂彌達提督張溥商榷鄂彌達等上言廣東山海交錯軍械惟鳥槍最宜次則弓箭藤牌挑刀大礮毓琦所議與廣東不甚宜上聽鄂彌達等議仍諭毓琦初至當嘉其

肯言嘉應潮陽遇颶海岸決毓琦以聞命加意撫綏乾隆初署廣東提督故事市舶至詣海關納稅或遇風未至所往地中道暫泊亦論稅如例毓琦慮民避屢稅遇風不敢泊致傾覆疏請商舟寄泊非卽地市易不徵稅上命待審察毓琦以憂歸服終授直隸正定鎮總兵湖廣總督阿爾賽請移任苗疆上不允諭以毓琦富家子弟謹慎無過苗疆事重不能勝也上巡五臺毓琦言兄毓齋子

清注具羊千馬十備賞賚上却之尋以老罷卒

論曰提鎮雖專閫然受制於督撫所轄兵散處諸營汎都試肄武虛存其制耳無黨進義皆能勤其官者行義捕盜廷屢從戰皆有勞進陞斷斷不欲曠其職毓琦與其兄出私財助軍興幾傾其家而不悔求諸往史所未有也

清史稿

列傳一百五

阿桂

子曰：忠誠，勤毅，有識。

阿桂字廣庭章佳氏初爲滿洲正藍旗人以阿桂平回部駐伊犁治事有勞改隸正白旗父大學士阿克敦自有傳阿桂乾隆三年舉人初以父廕授大理寺丞累遷吏部員外郎充軍機處章京十三年從兵部尙書班第參金川軍事訥親張廣泗以無功被罪岳鍾琪劾阿桂結張廣泗蔽訥親逮問十四年上以阿克敦年老無次子治事勤勉阿桂罪與貽誤軍事不同特旨宥之尋復官浙江西按察使召補內閣侍讀學士二十年擢內閣學士時方征準噶爾命阿桂赴烏里雅蘇台督台站逾年父喪還京旋復遣赴軍授參贊大臣命駐科布多授鎮紅旗蒙古副都統二十二年秋授工部侍郎輝特頭人舍楞約降唐喀祿以兵往會爲所襲阿桂率兵策應上嘉之賜花翎上命阿桂與策布登扎布合軍擊舍楞母使逃入俄羅斯阿桂言得降賊謂舍楞將逃土爾扈特或不達且復回準噶爾邀之中路可禽獻上責其觀望召還京是年準部平復命赴西路與

副將軍富德追捕餘賊霍集占叛二十四年命赴霍斯庫魯克從富德進討八月逐賊至阿勒楚爾又至伊西洱庫爾淳爾回衆降霍集占走拔達克山是年回部平上以阿克蘇新附爲回部要地命阿桂駐軍綏撫二十五年移駐伊犁阿桂上言伊犁屯田阿克蘇調兵諸事上嘉其勇往命專司耕作營造務使軍士回民皆樂於從事時西域初定地方萬餘里伏莽尙衆與俄羅斯鄰上詔統兵諸大臣議咸謂沙漠遼遠牲畜湖耗難駐守阿桂疏言守邊以駐兵爲先駐兵以軍食爲要伊犁河以南海努克等處水土沃衍宜屯田請增遣回民嫋耕作者往屯增派官兵駐防協同耕種次第建置城邑預籌馬駝岔口站連沿邊米赴伊犁簡各省流人嫋工藝者發備任使又奏定山川土穀諸祀典上用其議阿桂造農器督諸屯耕獲歲大豐二十六年疏言伊犁牧羣蕃息請停內地購馬駝增招葉爾羌喀什噶爾阿克蘇烏什回民詣伊犁廣屯田皆稱旨迭授內大臣工部尙書鑲藍旗漢軍都統仍駐伊犁奏瑪納斯庫爾喀喇烏蘇晶河三地屯田人授十五畝二十七年疏定約束章程建綏定安遠二城兵居民房

次第立一如內地數千里行旅宴然予騎都尉世職召還賜紫禁城騎馬命軍
機處行走調正紅旗滿洲都統加太子太保二十九年命署伊犁將軍尋調署
四川總督時金川土司郎卡與綽斯甲布等九土司構黨阿桂巡邊盡得郎卡
狡猾怙惡狀並悉其山川形勢入奏是冬召還京三十年上南巡命留京治事
烏什回賴黑木圖拉作亂詔馳赴烏什與將軍明瑞攻之賴黑木圖拉中矢死
衆伯克復推額木色圖拉抗我師自三月至八月攻城不下明瑞軍其北阿桂
軍其南作長圍困之絕其水道賊糧盡內訌沙布勒者擒額木色圖拉以獻烏
什平上責其遲延示怯捐威部議奪官命留任駐雅爾城旋復奪尙書命遣伊
犁助明瑞治事阿桂疏請移雅爾城於楚呼楚從之三十二年授伊犁將軍請
自楚呼楚至烏爾圖布拉克設三臺以通雅爾下部行轎甸擾邊總督劉蕡楊
應琚先後得罪去上命明瑞率師討之至猛育糧盡戰沒大學士傅恒自請行
三十三年以傅恒爲經略阿桂及阿里袞爲副將軍仍授阿桂兵部尙書雲貴
總督三十四年以明德爲總督令阿桂專治軍事阿桂請由銅壁關抵蠻暮伐

木造舟俟經略至軍進攻老官屯且言軍糧不給上以爲畏怯罷副將軍改授參贊大臣九月舟成傅恒亦至分三路進傅恒出萬仞關由大金沙江西經猛拱暮魯至老官屯阿里袞率舟師循江下阿桂率糧暮新舟出江會之先伏兵甘立寨緬人從猛曼來拒寨兵出擊沉三舟舟師噪應之緬人大潰殲其渠遂與西岸軍合老官屯守禦堅軍士多病瘴阿里袞卒於軍復授阿桂副將軍傅恒亦病上命班師而緬酋憚駁亦懲甘立寨之敗遣使議受約束乃召傅恒還命阿桂留辦善後授禮部尙書三十五年兼鑲紅旗漢軍都統命赴騰越待緬人入貢遣都司蘇爾相賈徵至老官屯緬人拘之索還土邦等三土司疏入上命罷尙書都統以內大臣留辦副將軍事三十六年疏請大舉征緬入覲陳機密上手詔詰責命奪官留軍效力是時金川酋耶卡已死其子索諾木及小金川酋澤旺子僧格桑擾邊四川總督阿爾泰征之無功上命阿桂隨副將軍尙書溫福進討十二月署四川提督克巴郎拉達木巴宗各寨三十七年二月克資哩山進克阿喀木雅松潘總兵宋元俊亦復革布什咱兩金川勢日蹙合謀

抗我師上命溫福等三路進討阿桂出西路阿喀木雅攻喇卜楚克克之奪普爾瑪寨進逼美美卡澤旺爲子謝罪索諾木亦代僧格桑請還侵地上不許時侍郎桂林代阿爾泰爲總督並領其衆至黑隴溝失利副將薛琮死之阿爾泰勑罷桂林上授阿桂參贊大臣命赴南路接勦僧格宗者小金川門戶也甲爾木山梁爲僧格宗要徑阿桂乘賊怠潛赴黑隴溝夜半大霧襲據之進逼僧格宗突入毀其碉廬賊無算上授溫福定邊將軍豐昇額阿桂俱授副將軍分道取美諾阿桂克美都喇嘛寺俯瞰美諾僧格桑遁布郎郭宗而溫福亦克西路來會進勦布郎郭宗僧格桑送擎金川而遁底木達求見父澤旺澤旺不納渡河走金川澤旺降械送京師小金川平於是議討金川金川賊巢二曰噶拉依曰勒烏圍溫福山功噶爾拉阿桂由當噶爾拉合攻噶拉依豐紳額由縛斯甲布徑攻勒烏圍復授禮部尙書三十八年正月朔冒大雪進奪當功噶爾拉諸碉而溫福至木果木索諾木誘降番叛襲車後斷登春糧道我師潰溫福死之小金川與美諾等相繼陷阿桂悉收降番械毀碉寨分置其人章谷打箭爐斬

其桀骜者親殿軍退駐達河事聞上怒甚命發健銳火器兩營黑龍江吉林伊犁額魯特兵五千授阿桂定西將軍明亮豐仲額副將軍舒常參贊大臣整師再出十月攻下資哩用番人木塔爾策分師由中南兩路進潛軍登北山巔遂取美諾明亮等亦克僧格宗來會凡七日小金川平三十九年正月朔阿桂抵布郎郭宗人裏十日糧分三隊進轉戰以前克穆喇穆左右二山贊巴拉克山色依谷山二月克羅博瓦山烏勒圓門戶也賊退守喇穆山部將海蘭察從間道破色湖普寨繞出山後賊退守薩甲山嶺海蘭察奪其峭壁大碉諸寨奪氣同時下乘勝臨遜克爾宗僧格桑死於金川金川曾獻其尸而死守遜克爾宗十月阿桂用策先克默格爾山及凱立葉於是日爾巴當噶諸碉反在我師後遂悉平之賊退守康薩爾山時豐仲額出北路師至凱立葉望見煙火以師來會而明亮出南路阻於庚額山阿桂令移軍冒雨破宜喜與明亮軍隔河相望十一月克格魯克古丫口金川東北之賊殆盡四十年正月克康薩爾山梁二月克沿河斯莫思達寨四月克木思工噶克丫口五月克下巴木通及勒吉爾

博山梁進據得式梯復克噶爾丹寺噶郎噶等寨進攻巴占屢攻不下分兵從舍圖任卡繞擊牽賊勢七月克昆色爾及果克多山進克拉枯寺苗則大海山梁庭克章噶八月克隆期得寨遂克烏勒圖捷聞上遣阿桂子阿必達齋紅寶石頂賜之九月克當噶克底諸寨十月克達噶木十一月克西里山雅瑪朋寨十二月克薩爾盃諸寨進據噶占四十一年正月克瑪爾古當噶碉寨五百餘遂圍噶拉依索諾木母先赴河西集餘衆大兵合圍與其子絕遂降阿桂令作書招索諾木而其頭目降者相繼索諾木乃率衆降金川平安置降番設副將同知分駐其地詔封一等誠謀英勇公進協辦大學士吏部尙書軍機處行走四年班師上幸良鄉城南行郊勞禮賜御用鞍馬還京獻俘御紫光閣行飲至禮賜紫韞四開襍袍初阿桂去雲南緬甸遣使議入貢械送京師下獄至是誅索諾木母子頭人上命釋繩使令觀譯告以故縱之歸冀以威武風動之四十二年署雲貴總督圖思德奏摺駁已死子贊角牙立輸誠納貢願歸中國人請開關通市上以事重當有重臣相度受成命阿桂往蒞五月授武英殿大學士

管理戶部兼正紅旗滿洲都統緬甸使不至遣蘇爾相等歸遂召阿桂還未幾
緬甸內亂又十餘年國王孟頫具表祝上八旬聖壽定十年一貢南徼始安四
十四年河決儀封蘭陽奉命往按阿桂令開郭家莊引河築攔黃壩又於下流
王家莊築順黃壩蓄水勢逼溜直入引河四十五年三月隄工蕩還京兼翰林
院掌院學士旋命勘浙江海塘築魚鱗石塘及范公塘四十六年工成命
順道勘清江陶莊河道高堰石工甘肅撒拉爾新教蘇四十三與老教仇殺戕
官吏總督勒爾謹捕教首馬明心下獄同教回民二千餘夜濟洮河犯蘭州噪
索明心布政使王廷贊誅明心賊愈熾上命阿桂視師時阿桂猶在工命和珅
往督戰失利賊據龍尾華林諸山道險隘阿桂至設圍絕其水道進攻之賊大
潰殲蘇四十三餘黨奔華林寺焚之無一降者甘肅冒賑事發命按治盡得大
小官吏舞弊分賊狀讞定疏請增設倉厫廣儲糧石以濟民食秋河決河南青
龍岡命自甘肅赴河南會河道總督李奉翰督塞河故事河決當決處兩端築
壩漸近漸合謂之合龍十二月兩壩將合副將李榮吉謂水勢盛宜緩阿桂督

之急既合屬吏入賀榮吉獨不至召之則對使者曰爲榮吉謝相公壩不可恃不敢離也越二日果復決阿桂馳視榮吉已墮水懸千金賞救之起解御賜黑狐端罩覆之因上疏自効請別簡大臣董其役上詔答略曰近年諸臣中能勝治河任者舍阿桂豈復有人惟當安心靜鎮別求善策四十七年奏請於下游疏引河上游築大隄並於北岸建壩迫溜南趨四十八年工始竟詣熟河行在復命仍赴工次審定章程浙江布政使盛住疏論總督陳輝祖籍王亶望家有所私命阿桂如浙江按治還又命勘江南鹽河水道又命勘河南蘭陽十二堡隄工並於戴村建閘四十九年甘肅鹽茶廳回民張阿渾據石峯堡以叛上遣福康安海蘭察等討之復命阿桂視帥兩月餘破堡戮張阿渾等加一等輕車都尉世職又命督河南睢州隄工五十年舉于吏部授阿桂領班又命勘河南睢州河工並察洪澤湖清江形勢五十一年又命勘清江堤工並如浙江按倉庫虧缺勘海塘又命勘江南桃源安東河決再如浙江按治平陽知縣黃梅重徵論如律五十二年又命督塞睢州十三堡河決時臺灣民林爽文叛上命福路

安討之誥阿桂軍事阿桂疏論師當扼要害分道並進先通諸羅道廓清後康
自大甲溪進兵諭曰所見與朕略同已諭福康安奉方略睢州工竟又命勘江
南臨湖甃石隄工五十三年又命按湖北荊州水災請疏窖金洲以導水修萬
城隄以護城五十四年命再勘荊州隄工嘉慶元年高宗內禪阿桂奉冊寶再
舉千叟宴仍領班於是阿桂年八十矣疏辭領兵部二年八月卒仁宗臨其喪
贈太保祀賢良祠諡文成阿桂屢將大軍知人善任使諸將有戰績獎以數語
或賚酒食其人輒感激效死終其身臨敵夜對酒深念得策輒持酒以起曰必
有所號令方溫福敗受命代將一日日欲暮率十數騎升高阜覘賊若賊望見
擴騎數百環阜上阿桂令從騎皆下馬解衣裂懸林木乃令上馬徐下阜賊迫
阜從落日中觀旌幟疑我師衆方遣騎出偵阿桂已還軍矣師薄噶拉依索諾
木約以明日降城柵盡毀日暮諸將謁阿桂謂今日必生致索諾木不然慮有
他阿桂不答入帳臥明日索諾木自縛詣帳下阿桂謂諸將曰諸君昨日語蓋
虛索諾木他竄或且死我已得險要竄安之且能死豈至今日故吾以爲無慮

諸將皆謝服及執政尤識大體康熙中諸行省提鎮以次卽有空名坐糧雍正八年著爲例乾隆四十七年詔補實額別給養廉阿桂疏言國家經費驟加不覺其多歲支則難爲繼此新增之餉歲近三百萬二十餘年卽需七千萬請除邊省外無庸概增上不從是時帑藏盈溢其後漸至虛匱此其一端也乾隆末和珅勢漸張阿桂遇之不稍假借不與同直廬朝夕入直必離立數十武和珅就與語漫應之終不移一步阿桂內念位將相受恩遇無與比乃坐視其亂政徒以高宗春秋高不敢遽言遂未竟其志高宗圖功臣於紫光閣前後凡四舉列於前者親爲之贊定伊犁回部五十人大學士傅恒將軍兆惠班第納木扎爾副將軍策布登扎布富德薩拉爾大學士總督黃廷桂參贊大臣親王色布騰巴爾珠爾貝子扎拉豐阿郡王羅卜藏多爾濟額敏和卓尙書舒赫德阿里袞總督鄂容安侍郎明瑞阿桂三泰鄂寶領隊大臣內大臣博爾奔察提督豆斌高天喜副都統端濟布護軍統領愛隆阿前鋒統領瑪瑋副都統巴圖濟爾噶爾散秩大臣齊凌扎布噶布舒郡王霍集斯貝子鄂對內大臣鄂齊爾散秩

大臣阿玉錫達什策凌副都統鄂博溫布由屯三格侍衛奇徹布老格達克
塔納薩穆坦瑞綽爾圖塔瑪鼐富錫爾海蘭察富紹扎奇圖阿爾丹察五十保
定金川五十人將軍阿桂副將軍豐昇額明亮大學士舒赫德于敏中尙書福
隆安參贊大臣親王色布騰巴爾珠爾都統海蘭察護軍統領額森特舒常領
隊大臣都統奎林和隆武福康安副都統普爾普荊州將軍興兆參贊大臣提
督哈國興領隊大臣提督馬彪馬全書麟副都統三保烏什哈達瑚尼爾圖珠
爾格德阿爾都阿爾薩朗舒亮科瑪伊蘭保佛倫泰富興德赫布莽喀察總兵
海祿敖成官達色成德欽保曹順保寧特成額烏爾納總兵敦柱侍衛額爾特
托爾托保泰斐英阿柏凌達蘭泰薩爾吉岱佐領特爾惇澈副將興奎定臺灣
二十人大學士阿桂和珅王杰協辦大學士福康安領侍衛內大臣海蘭察尙
書福長安董誥總督李侍堯孫士毅巡撫徐嗣曾成都將軍鄂輝護軍統領舒
亮普爾普提督蔡攀龍梁朝柱許世亨總兵穆克登阿張芝元普吉保散秩大
臣穆塔爾定廓爾喀十五人大學士福康安阿桂和珅王杰孫士毅領侍衛內

大臣海蘭察尚書福長安董誥慶桂和琳總督惠齡護軍統領台斐英阿額勒
登保副都統阿滿泰成德功稍次者列於後儒臣爲之贊惟阿桂與海蘭察四
次皆前列阿桂定金川元功定臺灣首輔皆第一定廓爾喀以爵復第一讓於
福康安道光三年二月宣宗命配養太廟子阿迪斯阿必達阿迪斯初以三等
侍衛坐阿桂征緬甸無功奪職發遣廣西右江鎮逾年赦復官累遷兵部侍郎
襲一等公復累遷成都將軍以川西盜發逮問發遣伊犁赦歸卒阿必達初名
阿彌達高宗命更名阿桂得罪奪藍翎侍衛發遣廣東雷瓊鎮赦歸復官擢二
等侍衛命赴西寧祭告河神探黃河真源上命輯入河源紀略累遷工部侍郎
卒阿必達子那彥寶官至成都將軍那彥成自有傳

論曰將者國之輔智信仁勇合羣策羣力治而用之是之謂大將由是道也佐
天子辨章國政豈有二術哉乾隆間國軍屢出熊羆之士因事而有功然開誠
布公謀定而後動負士民司命之重固無如阿桂者還領樞密決疑定計瞭言
百里非同時諸大臣所能及豈不偉歟